

Yesu ni Rafiki Aliye Karibu kuliko Ndugu

Lakini yuko rafiki aambatanaye na mtu kuliko ndugu—**Mithali 18:24.**

Mtaudhiwa, lakini daima kumbuka kwamba Yesu, Mwokozi aliye hai, aliyefufuka, ni Mkombozi wako na Mrejeshaji wako. Anakupenda na ni heri kushiriki upendo Wake na wengine kuliko kuketi na wakuu na kutenganishwa na Yesu....

Njoo kwa Yesu kila siku, ambaye anakupenda. Mfungulie moyo wako kwa uhuru. Kwake hakuna kuvunjwa moyo. Kamwe hutawahi kupata mshauri mwema, uongozi salama na ulinzi wa kweli na wa hakika kuliko Yeye.

Katika majaribu yako yote ... umekuwa na Rafiki asiyeshindwa kamwe, ambaye alisema, “mimi nipo pamoja nanyi siku zote, hata ukamilifu wa dahari.”

Lakini ni mara nyingi jinsi gani Bwana Yesu amepuuzwa kwa ajili ya ushirika na wengine na kwa vitu visivyo na thamani! ... Tusithubutu kuruhusu jina Lake kufifia midomoni mwetu na upendo na kumbukumbu kutoweka miyoni mwetu. “Naam,” anasema profesa aliyenyongea na aliyezoeleka, “hii ni kumfanya Yesu kuwa kama mwanadamu kupita kiasi,” lakini Neno la Mungu linatuhakikishia kuwa na mawazo yayo hayo. Ni kupungukiwa kwa mtazamo huu wa halisi na wa uhakika juu ya Yesu, ambako kunawazuia watu wengi sana kuwa na uzoefu wa kweli katika kumjua Bwana na Mwokozi wetu Yesu Kristo. Hii ndiyo sababu kwamba wengi wanaogopa na kuwa na mashaka na kuomboleza. Uelewa wao wa Yesu na mpango wa wokovu hauko wazi, ni wa kuchosha na wa kukanganya.... Ikiwa kumewahi kuwa na wakati ambapo watu walihitaji uwepo wa Yesu upande wao wa kuume, ni sasa, ili kwamba adui takapokuja kama mafuriko, Roho wa Bwana ainue kiwango dhidi yake.

Ushirika pamoja na Yesu—ni wa thamani isiyoelezeka jinsi gani! Ushirika wa namna hiyo ni fursa yetu kuufurahia, ikiwa tutautafuta.

Uhakikisho wa milele utakuwa wako kwamba una Rafiki anayeshikamana nawe karibu zaidi kuliko ndugu.